



Čuvajte se sumnjičenja, zaista je to najlažniji govor

Od Ebu Hurejre, radijallahu anhu, se prenosi da je Allahov Poslanik, sallallahu 'alejhi ve sellem, rekao: "Čuvajte se sumnjičenja, zaista je to najlažniji govor. Nemojte jedni druge uhoditi, špijunirati, niti jedni drugima zavidjeti, nemojte se okretati jedni od drugih i nemojte se mrziti. Allahovi robovi, budite braća!"

[Vjerodostojan] [Muttefekun alejh]

Allahov Poslanik, sallallahu alejhi ve sellem, upozorava i zabranjuje nešto što vodi do netrpeljivosti i razjedinjenosti među muslimanima. To su: Zann (sumnjičavost) - označava optužbu u srcu bez konkretnog dokaza. U hadisu se ona opisuje kao jedan od najlažnijih govora. Tehassus (uhodjenje) - označava istraživanje mahana ljudi prisluškivanjem ili pritajenim gledanjem. Tedžessus (špijuniranje) - označava istraživanja onoga što je skriveno kod ljudi, a najčešće se koristi da bi se zloupotrijebilo. Hased (zavist) - označava prezir prema tome da neko drugi stekne blagodat. Tedabur (okretanje jednih od drugih) - označava da se ljudi okreću jedni od drugih, te se zbog toga ne pozdravljaju i ne posjećuju međusobno. Tebagud (međusobna mržnja) - označava međusobnu netrpeljivost, vrijeđanje drugih i loše međuljudske odnose. Zatim, Poslanik nas je uputio na sveobuhvatni savjet putem kojeg će se međumuslimanski odnosi u cjelosti popraviti: "Allahovi robovi, budite braća!" Imansko bratstvo je veza koja će zaliječiti međuljudske odnose i poboljšati prisnost i ljubav među njima.

<https://sunnah.global/hadeeth/bs/show/5332>

